

Vlada Hercegovina - neretvanskog kantona i preduzeće „ENERGY 3“ d.o.o. Mostar zaključili su ugovor o koncesiji za zemljište za izgradnju vjetroelektrane Pločno, Grad Mostar, izvještava Indikator.ba.

Ovim ugovorom Vlada HNK dodjeljuje firmi „ENERGY 3“ 30-godišnju koncesiju za zemljište u državnom vlasništvu za izgradnju vjetroelektrane Pločno, kojim je obuhvaćen dio kompletnog projekta vjetroelektrane Pločno, koju čine 16 vjetroagregata, ukupno instalirane snage od oko 48 MW.

„ENERGY 3“ će, prema ugovoru, koristiti osam lokacija za izgradnju 8 vjetroagregata, koje se nalaze unutar područja Pločno.

Ugovor nije dovoljan da bi koncesionar mogao pristupiti izgradnji i pokretanju vjetroagregata na lokalitetu Pločno, te će radi realizacije projekta pribaviti odgovarajuće dozvole i odobrenja od nadležnih organa, navode iz Vlade HNK.

Krajnji rok za izgradnju svih vjetroelektrana i dobijanje upotrebničkih dozvola je tri godine. Firma „ENERGY 3“ d.o.o. dužna je platiti u ratama jednokratnu koncesionu naknadu u ukupnom iznosu od 138.431,25 KM, dok će tekuća (godišnja) koncesiona naknada za korištenje energetskog postrojenja biti 2,5 % od bruto prihoda ostvarenog po osnovu ukupno proizvedene električne energije iz 8 vjetroagregata.

Source: indikator